

八瓊室金石補正

第四九冊

八瓊室金石補正卷一百四

太倉陸增祥撰

男 繼輝校錄

吳興劉承幹覆校

宋 二十三

脾山悼園監護等題記

方二尺一寸十一行行十六
字字徑一寸正書在汝州

熙甯五年壬子歲春正月

詔舉秦王宮諸喪祔于臨汝脾山悼園之次以入內供奉王脩已爲監護又以入內供奉曹貽孫專治脾山之役自三月辛卯始事迄四月丁巳成功至五月壬寅遂

克襄事時祇役與執事者凡九人都巡檢供備使王懷
誼提轄役人管勾孀居內侍供奉張繼緒藍克甯墳園
供奉嚴雍梁魯巡檢侍禁高德誠按頓遞殿直石繼瑄
夏大卞梁縣尉校書郎吳道簾書汝州判官殿中丞孫
純

住持淨因院主賜紫沙門淨宣立

中書省玉冊官王仲宣刻

提轄從人管勾孀居按頓遞殿直皆宋史職官志
所略

祔葬陳國公監護等題記

方二尺十三行行十七十八
字字徑七分正書在汝州

宋宗室陳國公以熙甯六年正月甲寅薨有

詔葬于汝州梁縣秦悼王墳之次及舉諸喪祔焉以

龍圖閣直學士諫議大夫孫固西作坊使入內副都知

王昭明爲監護以入內供奉梁佐衛尉寺丞簽書汝州

判官劉唐憲專董塋兆之役自三月庚午經始迄六月

壬午遂克葬時與執事者凡十三人提舉諸司入內供

奉李憲專管勾諸司入內殿頭蔣良臣都巡內殿崇班

劉允和管轄墳園供奉嚴雍梁魯縣巡檢供奉王翊按

頓供奉曹軫侍禁王士章冬官正楊茂先梁縣尉校書

郎吳道

翰林書藝馬士明書

玉冊官陳永宣刻

住持賜紫沙門淨宣立石

陳國公者秦悼王之孫潁川郡王德彝之子承錫也宋史廷美傳但稱供奉官不言公封據宗室世系表承錫有諡曰榮僖碑亦不言之翰林書藝宋史官志所不備其秩甚卑也大約如唐楷書書令史之類

泐溪李宗儀題名

高二尺廣一尺三寸五行行十字字
徑寸許正書四周飾以雲紋在樂昌

熙甯六年冬臘后二日提點刑獄南康李宗儀按部來

遊時招邑東李勃李巖兄弟同觀祖師石牀及陸羽題

名邑簿邢道卿從行

程師孟奉敕祠南海廟碑

高八尺廣四尺十七行行廿五字字徑一寸六分銜
名三行正書篆額三行題敕祠南海神記六字在南
海南海廟大門東偏治平碑陰

勅祠南海廟記

清海軍節度推官承事郎試大理評事知英州滄羌

縣事權清遠縣事陳之方撰

熙寧皇帝以天久不雨天地百神暨名山大川罔不祇

恪惟南海神陰相一方爵號惟尊乃命守臣躬底致祠
時右諫議大夫程公分奠南服使人至止設案具禮
北面拜至再然後敢取勅與祠神之文伏讀三四又再
拜退而竊歎曰

皇帝有志憂民辭情懇惻顧惟斐薄敢不虔奉

上意以致祠于神乃命卜人端策揆辰前事之四日沐
浴齊戒前事之三日乘舟以往牲豐酒醇豆鬯潔嚴
公冠履劔珮威儀甚偉僚吏濟濟屏息就次禮備登階
祝者宣辭

皇帝至誠洞達幽陰磬鼓遞作旄幡颯爽像塑堂堂若

醉若飽鳴呼惟天作辟以相民惟辟保民以應天

皇帝卽位于今七季應天相民宵旰側席燠暘風雨宜
協休應 公有德于民神實佑之

皇帝有禱將誠者 公神實歆之海隅之人以

皇帝愛憫元元之心欣歡鼓舞頌歌之聲萬口一響之
方備數下邑聒聞盛事 公命紀歲月敢撫其實爲之
文又次之以詩其詩曰

湯湯南溟百州所瀦有赫其靈有嚴其居神宅于幽誠
格者應其應維何

皇帝仁聖幢旄鼓鐃疇往祇祠揭揭 程公神之聽之

祀事之既神明歡喜颯馳龍翔一息萬里衍涸濡焦既
盈既優廟社億年血食均休

甲寅正月二十三日立石

終獻官供備庫副使廣南東路兵馬都監趙光
弼攝太祝南恩州軍事推官登仕郎試祕書省
校書郎管勾經略安撫使司文字蘇咸攝奉禮
登仕郎守大理寺丞簽書節度判官廳公事富
臨宣德郎守大理寺丞知番禺縣兼管勾南海
廟事黎獻臣

亞獻官提點廣南東路刑獄公事兼本路勸農提

舉河渠常平倉及管勾農田水利差役事朝奉郎
守尙書司封郎中上騎都尉賜緋魚袋借紫李宗
儀

朝散大夫右諫議大夫知廣州軍州事兼管內勸農
市舶使提舉銀銅場公事充廣南東路兵馬都鈐轄
兼本路經略安撫使護軍永安縣開國伯食邑九百
戶賜紫金魚袋程師孟

記撰於熙甯七年正月則神宗憂旱分命守臣精禱
不獨八月矣本紀闕載陳之方元豐八年點校試卷

官見宋史五行志

廣東通志
金石略

師孟以守臣主祭碑未敘銜不言初獻若亞獻終獻
官姓名記文既未敘入故特書於結銜之上亦一例

也潛研堂
續跋

菲薄作斐

伏波巖題刻十段

在臨
桂

潘景純米黻題名

高一尺八寸廣一尺五寸題名二
行字徑三寸款二行字徑二寸行

書

潘景純

米黻

熙甯七年五月晦同遊

宋史芾傳芾以宣仁后藩邸舊恩補滄光尉方信孺

畫象記言在桂得元章所作僧紹言詩序乃知嘗尉
臨桂此刻爲作尉時所題又志林載元章有陽朔山
圖以拜石人居岩壑至奇之地作宦佳處當無過於
此蔡肇志墓甚詳獨不及臨桂尉何邪廣西通志

劉鑑等題名宣和元年六月十六日
萃編載卷一百四十七

子宣子誤

建炎二年屏風山周與道題名內有開封侯晉卿
署銜廉訪使者宣和六年蔡懌屏風山題名署銜
經略安撫又岩內七年題名同

公遠等題名高一尺六寸廣一尺二寸五分四
行行六字字徑二寸三四分分書

公遠公王子真子斐脩卿仁卿少魏戊子六月二日泛舟來遊

按公玉姓宋子真子斐姓張見巖內他刻脩卿姓江少魏姓謝見龍隱岩孫師聖題名戊子爲乾道四年廣西通志失載

劉舜舉等題名

高二尺一寸廣九寸三行行字不一字徑二寸行書左行

劉舜舉張子容子直子安胡宗周同來庚寅三月中澣
按庚寅爲乾道六年子直子安胡宗周字刻完好廣
西金石略誤作子真子斐胡宗回豈搨本未顯耶

續編

胡宗回至桂在紹聖初距乾道七十餘年矣

桂林鹿鳴燕詩

高三尺八寸廣二尺七寸前二行行十二字字徑二寸詩四行行十六字

字徑二寸五分後四行行十八字字徑七分正書並行書上石一行十三字字徑七分正書

淳熙元年秋九月桂林鹿鳴燕太守范成大賦詩以勸駕云

維南吾國最多儒聳觀招、赴隴書竹實秋風辭穴鳳
桃花春浪脫淵魚月宮移種新栽桂江水朝宗舊鑿渠
況有龍頭坊井在明年應表第三閭

郡人曹鄴桂詩云我向月中收得種爲君移向故
園栽今年用故事種桂正夏進德二堂又復朝宗

渠水以符文章應舉之記趙觀文王世則兩人皆魁天下今狀元坊存焉故拙句中悉及之

門生鄉貢進士周□□劉□上石

右范成大鹿鳴燕詩在臨桂伏波巖續編載此南吾作吾南鄴作業種桂之種作移均誤成大事蹟見史史載其知靜江時政蹟云廣西專藉鹽利因漕臣盡取屬邑始有增價折配之弊成大入境奏言利害莫大於此若裁抑漕司強取之數以寬郡縣則科抑可禁上從之茶馬司舊法高以四尺四寸爲限一旦詔加四寸成大言自來互市四十年

不宜驟改是石湖非僅風雅好事以詩雄於世也
卽此一詩亦具見培植人材之意矣曹鄴唐人官
祠部嘗讀書於龍頭山下王世則以太平興國八
年魁天下湖南通志載爲長沙人與此不符

米芾象贊并記

高四尺廣一尺三寸下方記文廿行
行廿九三十字字徑五分許正書

襄陽米芾

得名能書

六朝翰墨

漁獵無餘

骨

與氣勁

妙逐神俱

風姿亦然

縱覽起予

四行在
像上方

行書字徑寸許右方有乾卦
圓璽左方有紹興御書二璽

先南宮

戲

自作此小像真跡今歸于

御府友仁書行

此

在象右字徑
寸許行書

寶晉米公畫像記

寶晉米公世居太原後徙襄陽自公始定居潤州以

宣仁后恩補秘書省校書郎洽光尉□□入淮南幕改

宣德郎知雍邱縣□監中嶽廟授漣水軍使發運司勾

當公事□□撥發入為奉常博士知常州不赴管勾洞

霄官知無為軍復召為書畫院博士擢禮部員外郎□

知淮陽軍痒生于首謝事不許卒於官□□□年□月

葬丹徒長山下信孺頃過洽光訪公遺跡得北山養疾

篇及□□□石刻□□泊來桂林復得僧紹言詩序及

伏波巖與潘景純同游石刻□□公嘗尉臨桂秩滿甯